



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm II. Legitima.

---

[urn:nbn:de:hbz:466:1-62587](#)

postulatum, ut causa in curia agatur, tunc appellans satisfacit, si absque actis veniat, vel procuratorem mittat ad literas delegationis impetrandas. c. Nicolao. 64. c. Interposita. 70. §. eid. b. tit. & videri potest Innoc. hic. verb. petinerit.

4 Not. III. Si partes, quæ ab interlocutoria appellârunt, consentiant, ut Iudex ad quem omisso appellationis articulo causam principalem cognoscat & definit, ipsis parendum, quandoquidem hoc conducit ad litis exitum, id verò locum tantum habet in Pontifice alisque Iudicibus appellationis, qui causam principalem etiam per viam primæ instantiæ, seu simplicis querelæ cognoscere possunt, non autem locum habent in Archi-Episcopo, qui à subditis non nisi per viam appellationis adiri potest, neque eius Jurisdictio prorogari, uti habetur in c. de foro competenti. in 6. vbi gloss. verb. pretermisso ait: quod Archi-Episcopus omisso ex partium voluntate appellationis causam non possit super negotio principali cognoscere, sed remittere debeat ad Coëpiscopum, à quo appellatum, quod etiam tradit gl. hic verb. omisso Anchor. not. 10. Franc. S. Posthac. n. 6.

5 Not. IV. Si conditio aliqua de re jure requiratur, tanquam forma actus, tunc ea non obseruata corruit, actus, & perinde censeri debet, ac si nihil actum esset; nam in tali paria cententur, non fieri, & non legitimè fieri. ita sumitur ex hoc c. quando dicuntur, quod appellatio ab interlocutoria sententia vel grauamine non sernatis iis, quæ hic præcipiuntur, pro non appellante haberi debent, idque notauit Franc. hic. §. Quod si appellat.

6 Not. V. Contumax in Iudicio veluti tripliciter delinquit, quia iniuriam ac veluti contemptum infert justitiæ, judici, & parti. ita significatur in fine c.

## CAPITVLVM II.

## Legitima.

## PARAPHRASIS.

Si contra Iudicem ordinarium aut delega-

tum opponatur, quod sit parti suspectus, jure statutum est, ut arbitri à partibus elegantur, qui de causa suspicionis cognoscant: si autem ij consentire non possint, tertium aduocent, veluti diremptorem, & quod ad hoc cogi possint à Iudice, etiam per censuram prout haec habentur in c. Suspicionis. 39. de off. delegati. Nihilominus quidam arbitri reperiuntur, qui ob unius partis odium, aut alterius fauorem recusationis questionem diutius protrahunt, ita ut causa principalis non cognoscatur, ea propter Innoc. IV. hic nouum statutum edit, ut Iudex arbitris competentem terminum statuat, intra quem vel ipsi intrase, vel si consentire non possint, cum tertio questionem recusationis decidant; si minùs, Iudex procedat tanquam recusatus non sit.

Hæc constitutio nihil noui continet, nisi hoc unicum, quod Iudex arbitris certum terminum præfigere debeat, intra quem causam suspicionis seu recusationis terminare debeant: quo finito, si arbitri non pronuntiarunt, Iudex recusatus in causa ipsa procedere potest, vide quæ dicta sunt in c. Speciali. 61. hoc tit.

## CAPITVLVM III.

## Romana.

## PARAPHRASIS.

Cum Coëpiscoporum & eorundem generallium Vicariorum seu officialium unum & idem consistorium sit, ideo si ab officiali aliquo appelletur, non ad Episcopum, cuius Officialis est, appellatio tendere debet (ne alioquin appellatio ab eodem ad eundem fiat) sed ad Curiam Metropolitanam.

De hac re dictum fuit in c. 2. de consuet. in 6. & in c. dilecti. 66. hoc tit.

## SUMMARIUM.

1. Consuetudo diuturna, si non est rationabilis, non potest dare iurisdictionem.

2. Archi-